



Broj: 02-34-6880-1 /19
Zenica, 23.07.2019. godine

Vijeće ministara BiH
n/r Predsjedavajući Dr. Denis Zvizdić

Vlada Federacije BiH
n/r Premijer Fadil Novalić

PREDMET: Rješavanje problema nastalog mjerama zaštite EU, traži se

Poštovani,

Vladi Zeničko-dobojskog kantona obratilo se preduzeće ArcelorMittal d.o.o. Zenica i upoznao nas o uvedenim Mjerama zaštite Evropske unije na uvoz čelika i proizvoda od čelika koje bi trebale ostati na snazi do jula 2021. godine.

S obzirom da BiH za PC16 nije dobila državnu kvotu, to ArcelorMittal d.o.o. Zenica, kao najveći izvoznik čelika iz Bosne i Hercegovine, ovu kvotu primjenjuje samo na rebrasti betonski čelik u šipkama PC13, dok se toplovaljana žica i rebro u koturu PC16 može uvesti u EU samo u okviru Globalne kvote jer su količine ArcelorMittala ispod 5% od ukupnog uvoza u EU.

Kako su turski proizvođači za vrlo kratko vrijeme ispunili svoju državnu kvotu, to su isti iskoristili i cjelokupnu Globalnu kvotu, tako da ArcelorMittal pošto je mali proizvođač više ne može prodavati svoju žicu i rebro u koturu preko Globalne kvote, jer je ista već potrošena.

Privreda Zeničko-dobojskog kantona je kičma razvoja privrede BiH, te imajući u vidu činjenicu da je ovaj kanton zadržao lidersku poziciju u FBiH kada je u pitanju pokrivenost izvoza uvozom, to smatramo da uvedene Mjere zaštite EU već negativno utiču na izvoz iz Ze-do kantona, a ako se ovakvo stanje nastavi postoji mogućnost i na eventualni gubitak radnih mjesta jer proizvodi PC16-rebro i žica u koturu čine 65% ukupne proizvodnje ArcelorMittala d.o.o. Zenica.

S obzirom da BiH ima potpisan Sporazum o stabilizaciji i pridruživanju sa EU, kojim se regulisani odnosi BiH i EU, a koji podrazumijeva slobodnu trgovinu i ukidanje carina, smatramo da EU treba izuzeti našu državu iz zaštitnih mjera, te smanjiti granicu od 5% izvoza u periodu od 2016-2018 na 3% izvoza za PC16. Sve članice WTO sa prodajom od 3% u periodu od 2016-2018 su dobile Državnu kvotu, a BiH nije, iako je izvoz ArcelorMittala bio 4.958 %.

Da bi se održala proizvodnja čelika u BiH, a time nastavio izvoz iz Ze-do kantona i zadržala radna mjesta te održalo poslovanje ArcelorMittala d.o.o. Zenica, potrebno je, prije svega, da se pristupi brzom rješenju nastale situacije u smislu da se izdejstvuje dodjela Državne kvote za EU za PC16 te da se intenzivira pristup ka punopravnom članstvu u Svjetsku trgovinsku organizaciju (WTO) koja bi omogućila postizanje boljih trgovinskih dogovora sa drugim državama odnosno da se obezbijedi slobodna trgovina sa EU.

Shodno navedenom, molimo da se što hitnije poduzme svaki mogući napor na rješavanju nastale situacije.

S poštovanjem,

Dostavljeno:

1x naslovu

1x a/a

